



Broj: UP-I-KSI-09-25/23

Datum: 23.08.2023. godine

Na osnovu člana 25. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21), Komisija za odlučivanje o sukobu interesa, postupajući po službenoj dužnosti, u predmetu utvrđivanja povrede odredaba zakona od strane N. K., iz Brčkog, ul. [REDACTED], [REDACTED], zastupnik u Skupštini Brčko distrikta Bosne i Hercegovine, nosioca javne funkcije, na 63. sjednici održanoj dana 23.08.2023. godine, donosi

RJEŠENJE

- I. **UTVRĐUJE SE** da je N. K., iz Brčkog, ul. [REDACTED], zastupnik u Skupštini Brčko distrikta Bosne i Hercegovine, nosilac javne funkcije, postupio protivno članu 19. stav (1) i (2), te članu 20. Zakona o sprečavanju sukoba interesa u institucijama Brčko distrikta Bosne i Hercegovine, na način da u Izvještaju o imovinskom stanju podnesenom dana 05.01.2022. godine Komisiji za odlučivanje o sukobu interesa na obrascu o imovinskom stanju nosioca javne funkcije, bračnog i vanbračnog druga, djece i drugih članova porodičnog domaćinstva kao i lica prema kojima nosilac javne funkcije ima zakonsku obavezu izdržavanja-Aneks II, nije prijavio nepokretnu imovinu člana porodičnog domaćinstva, supruge nosioca javne funkcije.
- II. Za učinjeno kršenje odredaba Zakona o sprečavanju sukoba interesa u institucijama Brčko distrikta Bosne i Hercegovine, N. K. se shodno članu 43. Zakona o sprečavanju sukoba interesa u institucijama Brčko distrikta Bosne i Hercegovine izriče opomena.

Образложење

Komisija za odlučivanje o sukobu interesa je po službenoj dužnosti Zaključkom broj: UP-I-KSI-09-25/23 od 09.06.2023. godine, pokrenula postupak protiv N. K., zastupnika u Skupštini Brčko distrikta Bosne i Hercegovine, jer je posumnjala u tačnost i potpunost podataka u podnesenom Izvještaju o imovinskom stanju na obrascu o imovinskom stanju nosioca javne funkcije, bračnog i vanbračnog druga, djece i drugih članova porodičnog domaćinstva kao i lica prema kojima nosilac javne funkcije ima zakonsku obavezu izdržavanja-Aneks II, zbog neusklađenosti između prijavljene imovine u Izvještaju o imovinskom stanju, podnesenom dana 05.01.2022. godine od strane nosioca javne funkcije Komisiji i podataka prikupljenih od nadležnih organa i institucija o nepokretnoj imovini člana porodičnog domaćinstva, jer nosilac javne funkcije nije prijavio odnosno unio u Izvještaj o imovinskom stanju nepokretnu imovinu člana porodičnog domaćinstva, supruge nosioca javne funkcije i to:

1. Nekretninu označena kao parcela broj: 1636, OKUĆNICA, u ukupnoj površini od 496 m², koja se sastoji od pomoćne zgrade 3 u površini od 9 m², stambena zgrada 1 u površini od 63 m², stambena zgrada 2 u površini od 40 m², dvorište u površini od 384 m², upisana u zk. uložak broj: [REDACTED], k.o. Brezovo Polje, suvlasništvo S. K. sa dijelom od 1/1 u dijelu 2/3, bračni drug nosioca javne funkcije;
2. Nekretninu označena kao parcela broj: 445, Lokal br. 4 u L2, u površini od 67,78 m², upisana u zk. uložak broj: [REDACTED], poduložak broj [REDACTED], k.o. Brčko 1, suvlasništvo S. K. sa dijelom od 1/1 u dijelu 30/1000, bračni drug nosioca javne funkcije;
- garažno mjesto parking P1 u L2, u površini od 12,86 m², koji se nalazi u podrumu stambenog poslovnog objekta;
3. Nekretninu označena kao parcela broj: 3781/1, Garaža broj 1, koja se nalazi u suterenu stambeno-poslovnog objekta u površini od 16 m², upisana u zk. uložak broj: [REDACTED] poduložak [REDACTED], k.o. Brčko 1, vlasništvo S. K. sa dijelom od 1/1 u dijelu 14/1000, bračni drug nosioca javne funkcije;
- Poslovnu prostoriju u vanprivredi br. 20, u površini od 40 m², koja se nalazi u prizemlju stambeno-poslovnog objekta;

Čime je postupio protivno članu 19. stav (1) i (2), te članu 20. Zakona o sprečavanju sukoba interesa u institucijama Brčko distrikta Bosne i Hercegovine.

Nosilac javne funkcije je istim zaključkom pozvan da Komisiji za odlučivanje o sukobu interesa dostavi izjašnjenje u roku od 15 dana od dana dostavljanja Zaključka.

Nakon prijema Zaključka o pokretanju postupka, broj: UP-I-KSI-09-25/23 od 09.06.2023. godine, N. K., zastupnik u Skupštini Brčko distrikta Bosne i Hercegovine, kao nosilac javne funkcije je blagovremeno dana 27.06.2023. godine dostavio Komisiji za odlučivanje o sukobu interesa pisano Izjašnjenje u kojem, između ostalog, navodi da pri popunjavanju obrasca Izvještaja o imovinskom stanju nosioca javne funkcije, nije znao da treba dostaviti podatke i o nekretninama koje se nalaze u vlasništvu njegove supruge. Te je u prilogu izjašnjenja dostavio i podatke koji se odnose na nekretnine u vlasništvu supruge. Naposljetku je kazao, da nije postojala namjera da se podaci sakriju od Komisije za odlučivanje o sukobu interesa kao i da se ista dovede u zabludu u pogledu tačnosti i potpunosti podataka, odnosno da je prilikom popunjavanja Izvještaja došlo do nenamjernog propusta.

Uvidom u dopis Osnovnog suda Brčko distrikta Bosne i Hercegovine Registar zemljišta broj: [REDACTED] godine, zk. uložak broj [REDACTED] poduložak, [REDACTED] poduložak [REDACTED], [REDACTED] poduložak [REDACTED] i [REDACTED] poduložak [REDACTED] k.o. Brčko 1 i zk. uložak broj [REDACTED] k.o. Brezovo Polje, utvrđeno je da je S. K. upisana u vlasnički list, kao suvlasnik predmetne nekretnine.

N. K. je Uvjerenjem Centralne izborne komisije, broj: [REDACTED] godine imenovan za zastupnika Skupštine Brčko distrikta Bosne i Hercegovine, te je shodno članu 2. Zakona o sprečavanju sukoba interesa u institucijama Brčko distrikta Bosne i Hercegovine nosilac javne funkcije i upisan je u Registar javnih funkcija i nosilaca javnih funkcija.

Članom 22. Poslovnika o radu Komisije za odlučivanje o sukobu interesa propisano je da je nosilac javne funkcije stranka u postupku.

Uvidom u Izvod iz matične knjige vjenčanih broj: [REDACTED] godine, utvrđeno je da je S. K., supruga N. K.. U Izvještaju o imovinskom stanju-Aneks II, N.

K. je u rubriku „Podaci o bračnom/vanbračnom drugu“ upisao S. K., te je zbog svega navedenog obaveza nosioca javne funkcije unijeti podatke o imovini svoje supruge u Izvještaj o imovinskom stanju.

Član 19. stav (1) Zakona o sprečavanju sukoba interesa u institucijama Brčko distrikta Bosne i Hercegovine propisano je da je nosilac javne funkcije dužan u roku od 30 (trideset) dana od dana stupanja na javnu funkciju, podnijeti Komisiji Izvještaj, za sebe i bračnog i vanbračnog druga, djecu, druge članove porodičnog domaćinstva kao i lica prema kojima nosilac javne funkcije ima zakonsku obavezu izdržavanja, prema stanju na dan kada je izabran, odnosno imenovan, dok je stavom (2) istog člana, između ostalog propisano i da Izvještaj sadrži lične podatke nosioca javne funkcije i članova njegove uže porodice, uključujući JMB, podatke o funkciji koju nosilac javne funkcije obavlja, dok je tačkom b) istog člana propisano i da sadrži podatke o imovini, uključujući novac, račune u banci, poslovnu dokumentaciju, dionice, vrijednosne papire, obveznice, nepokretnu imovinu, stanarsko pravo i drugu imovinu i dobra u vrijednosti većoj od 5.000,00 KM, u BiH i inostranstvu.

Primjenom navedenih zakonskih odredaba na utvrđeno činjenično stanje, utvrđeno je da u konkretnom slučaju postoji povreda Zakona o sprečavanju sukoba interesa u institucijama Brčko distrikta Bosne i Hercegovine, s obzirom na to da N. K. nije u Izvještaju o imovinskom stanju podnesenom dana 05.01.2022. godine Komisiji za odlučivanje o sukobu interesa unio podatak o nepokretnoj imovini supruge, odnosno člana porodičnog domaćinstva čime je postupio protivno članu 19. stav (1) i (2), te članu 20. Zakona o sprečavanju sukoba interesa u institucijama Brčko distrikta Bosne i Hercegovine.

Član 38. Zakona o sprečavanju sukoba interesa u institucijama Brčko distrikta Bosne i Hercegovine propisuje sankcije za nosioca javne funkcije koji postupi suprotno odredbama navedenog Zakona.

Komisija je, shodno članu 43. Zakona o sprečavanju sukoba interesa u institucijama Brčko distrikta Bosne i Hercegovine, prilikom odlučivanja o vrsti sankcije koju treba izreći u konkretnom slučaju, a pri tome vodeći računa o težini i posljedicama povrede Zakona, njegovom postupanju i odgovornosti, ličnosti nosioca javne funkcije, odnosu imenovanog prema kršenju odredaba Zakona kao i opredijeljenosti imenovanog da postupi u skladu sa Zakonom, te otkloni razloge koji su doveli do kršenja odredaba Zakona kao i prouzrokovanoj posljedici radi o očito lakšem obliku kršenja odredaba Zakona, koje nisu nanijele štetu integritetu javne funkcije koju N. K. obavlja, Komisija je stava da izrečena opomena kako je to navedeno u stavu (2) izreke rješenja u potpunosti odgovara težini i posljedicama povrede Zakona.

Komisija je, cijeneći sve dokaze pojedinačno i u međusobnoj vezi, shodno članovima 4., 25. i 43. Zakona, donijela rješenje kao u dispozitivu.

Odluka Komisije bit će objavljena na službenoj Internet stranici Komisije.

POUKA O PRAVNOM LIJEKU:

Shodno članu 37. stav (1) Zakona, ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor u roku od 30 dana od dana dostavljanja rješenja, tužbom pred Osnovnim sudom Brčko distrikta Bosne i Hercegovine.

Predsjednik
Komisije za odlučivanje o sukobu interesa

Admira Mujić, dipl. pravnik

Dostavljeno:

1. [REDACTED]
2. Internet stranici Komisije,
3. Evidenciji i
4. Arhivi.